

سعدنى السلامونى



أرواح للبيع شعر

تبيع

سعدنى السلامونى



أرواح للبيع

أرواح للبيع



الشمس
لنضه جاز
مكسبه ازار ف ازار
والكون لوحه
واحنا لازم نخرج من
البرواز
ثوانى
ثانيه ... ثانيه
لازم نخرج من كوننا
على
الأكون الثانيه

شعر سعدنى السلامونى



أرواح للبيع

سعدني السلاموني

شعر



انتاج

سلسلة إبداعات محو الأمية البصرية

رئيس التحرير والمستشار العام

أ.د. مصطفى النشار

رئيس الجمعية الفلسفية المصرية

مدير التحرير والمسؤول الفني

الفنان / خضر مصطفى

سكرتارية التحرير

المهندسة . غادة شمس

الشاعرة إيمان النادي

سكرتير عام السلسلة

الأديبة إنجي مطاوع

المستشارون

أ.د. حسين محمود

عميد كلية اللغات والترجمة بجامعة بدر

أ.د. جمال التلاوي

رئيس مجلس إدارة المعهد العالي للغات بالمنيا

أ.د. السيد عبده سليم

عميد كلية التربية النوعية بكفر الشيخ السابق

أ.د. اشرف فتحى عبد العزيز

عميد كلية التربية ج. قناة السويس السابق

الكاتب الصحفي والمؤرخ محمد الشافعى

رئيس تحرير دار الهلال الأسبق

بطرس دانيال

رئيس المركز الكاثوليكي للسينما

رئيس مجلس الإدارة

الشاعر والكاتب / سعدنى السلامونى

للتواصل ت. 01009983688 وتساب. 01113321949

Elsadnyelsalamony@gmail. com

أكتوبر 2022

سلسلة كتب

إلكترونية وورقية

تعنى بإبداعات

المبدعين

المصريين

والعرب في

كافة مجالات

الفنون

والثقافة

والآداب لما تمثله

من قيمة رفيعة

في نهضة الأمم

خالص التمنيات

لبلدنا ووطننا

العربي الكبير

همزيد من الرفعة

نسعد بوجود

قامات رفيعة

في الفن والإبداع

وأساتذه

أكاديميين

وفنانين كبار ونقاد

في الفن والأدب

ترعى هذا

الكيان الحضارى

الهام ونسعى في

هذا الإطار

بتقديم كل

ماهو مفيد

وجديد وهام في

حياة المبدعين

والمبدعات

ثواني

ثانية...ثانية

لازم نخرج من كوننا على الأكوان الثانية



الإهداء إلى



روح والدي عبد الفتاح السلاموني نجار السواقي

الذي علمني كيف أحصد النور وكيف أزرعه للآخرين


ومن قبل ومن بعد إلى روح نور النور أُمي

لهما الرحمة والمغفرة

سعدني السلاموني

١/مايو ٢٠٢٢

إيه أوجاعي



إيه أوجاعي

إن كان على الشعر إلى جاي من الدنيا دا بتاع

مكتوب ومرئي وسماعي

ألمه بصوابع دراعي

وأطيره في هوا

يخطفوه أتباعي

أوجاعي في الشعر

ولا الشعر أوجاعي

السلاموني

١ / مايو ٢٠٢٢



الجسم إلى بينزف دم على الأسفلت هناك دا


جسمي

يعنى لو بصيتوا في بطاقته

حتلاقوا صورتي وتحت صورتي إسمي

طرطشة الدم إلى قدامكم دي رسمي

ناس



من جنب جسمي معديين
ناس رايعين وناس جايين
واخدين بالهم ومش واخدين
موجودين ومش موجودين
وأنا نفسى في سيجارة والعه أو نفسين
الإسعاف جاية تصرخ فيها ممرضة ورجلين
ملك الموت واقف قدام عيني بمترين
خطفوني على الترولى وقدامكم أهم ماشيين
صرخ الدكتور وقال عايزين له روح ودم
أمي وأبويا بصوا لبعض وعملوا مش سامعين
إخواتي قاموا هربانيين
وأصدقاء عمرى ودن من طين وعشرة من عجين
وأنا واخذ السكة صد رد من الأحياء للميتين
رايح جاى
نفسى في سيجارة مولعه وربع كوباية شاي
نفسى في نفسين

فاضل على نهاية عمرى دقيقتين
فاضل دقيقه ونصف
فاضل نصين
فاضل ثلاث ثواني وثنيتين
نفسى فى سيجارة مولعه أو نفسين

.....

مين اللي حاي تبرع بالروح والدم مين؟؟
صرخت حبيبتي وروحي بنت عشق السنين
وقالت روحي ودمى جاهزين
روحي ودمى وعيوني الإثنين
الدكتور دخل روحها لقلبي وقفل عليها بالضرفتين
بعد نجاح العملية بأسبوعين
لقيت روحها بتكلم أرواح شباب من ورايا بالساعتين
بتشيت مع إثنين الصبح وآخر النهار إثنين.
بتخوني مع أرواح شباب أشرار وأرواح شباب طيبين
يا مين ياخذ روح حبيبتي من جسمي
بسيجارة فرط.. أو نفسين

مهدي مصطفى



حاسب

رايح فين!!؟

شيخ الشعرا والصحفيين

شيخ المثقفين الأحرار. الحقيقيين

وتعدى سنين السنين وتيجى السنين

وأنت محول نفسك شمعة

تنور لكل اللي جايين

علماء مفكرين مبدعين

وتمر سنين وراها سنين

وأنت لا بتهتم بلدغة الثعابين

لا بتهتم بأنيابهم اللي ظهرت فجأة

بعد ما كانوا مخفيين

مولانا مهدي مصطفى

حاسب رايح لمين!!؟

**

علمتنا أن الشعر مش مجرد كلام مسطور

دا ليل ونهار ونار ونور

مش مجرد سطور

الشعر بيحيى الحياه

جوه القبور وبرة القبور

لأن أنوار الله سكناه

مش كلام منثور

الشعر تواضع وغرور

ويكسر كل كاسر يحوله لمكسور

الشعر نور بدون ضلمة

وضلمة محمله بالنور

الشعر بينه وبين نور الله في سموات الأكوان جسور

الشعر شواطئ وبحور

وياما هدم قصور وحولها لخرابات و بيوت ودور

لأنه رزق لدوني من تحت عرش الغفور

**

مولانا مهدي مصطفى

علمتنا وإتعلمنا وعلمنا

لأنك طول عمرك على روحك شايكنا

وجينا على قلب الظلام؟ شقيننا ونورنا

لا خوفنا يوم على ولادنا

ولا حياتنا ولا عمرنا وديارنا

لأنك كنت زمانا ومكانا

**

مولانا مهدي مصطفى

راح الزمان وجا زمان

جفت المياه وعمق البحر بان

ظهرت وحوش الأسماك ميتة

ومرصوصة على جسم الحيتان

كل شيء هان

كل أصيل وكبير أتهان

وفجأة سرقوا عمرك من تحت رجلك

ومن تحت رجلك سرقوا المكان

ابتسمت

ونظرت للتاريخ نظرة الفارس للجبان

والتاريخ تحت رجلك عريان

رميت علاج أنفاس قلبك الأخيرة!!

واترمت بين أصابع الحنان المنان!؟

ونسيت يا صديقي وأنت أول مرة تنسى

إن المجيء بأوان والرحيل بأوان

**

أمانة عليك يا مهدي

إن رحت خدني معاك في الحال

لأن الدنيا بقت لعب عيال

لا عاد فيها فرسان تدخل معاهم معارك

ولا عاد ميدان

هو واحد بس البطل.

وما تعرف هو دا الشيطان ولا الإنسان!!

ماتعرفش الشيطان قرينه ولا هو اللي قرين الشيطان

لأننا في نهاية الزمكان.

**

صدقني يا مهدي

النور اللي زرعتة في تاريخك هنا

منتظرك هناك

يوم يفر الباب من الباب والجدار من الشباك

والظلام اللي زرعه تحت أقدام الناس

هو شباكهم اللي نسجوا عليه شباك

هنا قبل هناك

**

خد علاج القلب وأنت مرتاح

كل الريح جت وما عدش فاضل ريح

الدنيا خلصت

لا عاد جای لیها مسا ولا صباح
والعمر جملة صدق وشرف وكفاح

**

صدقني يا صاحبي
القلب مش اللي عرفه العلم للأطباء
القلب حاجة تانية خالص
تلاقى فيه الأرض. وتحت منه السماء
القلب اللي بيقولوا عليه دا
دا قلب الخونة والفاستدين الضعفاء

**

قلوبنا يا مهدى
مش زي قلوب البنى آدميين
لأنها عايشه على النور وبتتنفس نور
بدون شرايين

وان قابلك واحد فاسد
قوله يا ابن الشريان التاجي
يا للي عمرك نفسين
إن خرجوا مش داخلين
وإن دخلوا مش طالعين

**

صدقني يا صاحبي
البتاع اللي بيسموه القلب دا
طلعوه من جسمي وشقوه نصين
خلصوه من كل الشرايين
سبته تحت ضوافرهم ومشيت
وزى ما أنت شايف ربنا إداني بدل العمر عميرين
بس للأسف العمر التاني عايش مع ناس ميتين
ناس قرينهم الشيطان ولا هم للشيطان قرين.

**

هو فيه ايه؟؟



سألتك أكثر من مرة
وقلت لك حبيبتي فيا إيه!!!
لا جسم ولا جمال وش تسرحي فيه!!
حبيبتي فيا إيه!!!؟
أمبارح بصيت عليا في المراية لقيتني
بدر منور والنجوم فرحانة بيه
في اللحظة دي بالذات افكرت لما
بصيتي في عينيه يعنى عينيه
ونظراتك جابت جسمي من ضوافر رجليه
نظراتك طيرت نظرات عينيه
حط إيديه على قلبه وهو بيقول فيه إيه!!؟
لقى قلبه غرقان في بحر حب
وحنان بيحضن فيه
سحبتني نظراتك من عينيه

**

أمبارح نظرت في المرايا على وشى
وصرخت فيه وقلت فيه إيه؟
مالك هى حبت فيك إيه!!؟؟
قالي إنت حاتقد عليا ولا إيه؟؟
مالك احلويت فجأة ووشك نور كدا ليه!!؟؟
قال أعوذ بالله من عنيا ؟ لا من عينيه
صعب عليا
دخلت على المرايا وقلت
أخذه في حضني وأسلم عليه
لقيتك جواه
بصيت في عيونك وقلت
اللي عجبك في عيونه إيه؟
إنت إزاي جاذبتيه
واللي نفسى أفهمه ليه جنتيه
برغم إنك شايفه بعينيك
إن الدنيا حاطه عليه


وبيغير عليك حتى منى
ساعات أدخل في عيوني ألاقيكى ورا النني
قاعدة ومربعه فيه
أبص في عينيا وأصرخ وأقول فيه إيه؟
يغضب عليا وأغضب عليه

**

أمبارح بس بصيت في المرايا عليا
لأ عليه
لقيتني بدر منور والنجوم فرحانه بيه
قلت ليكي ألف حق تحبيه
تتجنني بيه
بس ليه جنتيه؟؟
ليه جنتيه!!؟؟

**

رصيف الورد



إلى روح ورد الورد صديقي بائع الورود محمد وردة

من القاهرة الجديدة لوسط البلد ساعتين

ركبت أتوبيس خمسة وعشرين

الناس طول الطريق بهتانيين

تايهين

أنفاس داخله ومش طالعين

الطريق اللي ماشيين عليه

بقى طريقين

الزمان اللي عايشين فيه

بقى زمانين

الورد حزين

زي ما تكون الأغصان مدمعه الورود

كل غصن منزل ورديتن

دخلت أول شارع على اليمين

العمارات بهتانيين

البيوت بهتانيين

العصافير والحمام واليمام نايمين

كل القهاوي مخروسين
وقصر شامبليون مستخبي... ورا جدارين
سألت عليك محمد ورده فين؟؟
قالوا مات من ساعتين

.

...

.....

.....

كنت روح
بنفضي فيها أحزاننا
روح بتسكن كل آلامنا
كنا منك وأنت منا
..

مات إزاي وفين؟؟
يعنى أروح له منين؟؟
منين طريق الميتين

الحزن صوابع بضوافر
جوه روعي من جوه غارزين

..

محمد ورده فين؟؟

.

...

.....

.....

الورد كان في إيدك
ضحكه بتولد ضحكات
الورد في إيدك عمره ما عرف السكات
في إيدك بيوزع البسمات
في إيدك بيتكلم بكل اللغات
ورده فين؟؟

مات من ساعتين!؟؟

.

...

.....

.....

كنت بقعد جنبك بالساعات
جزم العساكر معدية ورا البيادات
والعربية مليانه أرواح بيضه
عربية الترحيلات
راحت عيونك تكلمني بالنظرات
والنظرات تسقط ع الأرض
وتتسرب منها الدمعات

...

محمد ورده فين؟؟

مات مات مات

..

مات إزاي وفين؟؟
أنا كنت قاعد معاه هنا من يومين
وكان بيئن على عياله آنين
الواد جاب القهوة فنجانين
قالت ببسمة كوبايات
ورجع الفناجين
كان بيوزع البسمات
كانت ضحكته بتحضن كل الصرخات
إلى جاية من التحرير
وتببطها العجلات
بيننا وبين التحرير مسافات
الصرخات بتهرب في الجدران
وبتسقط تحت السيارات
تببطها العجلات
وأنا راكب أتوبيس خمسة وعشرين
محمد ورده فين؟

مات مات مات

.

...

.....

.....

الزمان بقى زمانين

زمان خطفه الموت وراح بيه للميتين

والزمان التانى شايل الحياه

اللي فيها عايشين

يامين يبنى جسر بين الإثنين

محمد ورده فين

..

والله مات من ساعتين

مات إزاي وفين؟؟

.

...

.....

.....

دا كان رصيف الورود
الوجود كان وردة
ومحمد وردة هو الوجود
كان الجمال اللي مالوش حدود
هو الريح المطلق اللي ما يعرف سدود

**

كان قلب الرصيف الحى
الأخضر الطيب النى
محمد وردة زيه مالوش زي
لما كان الرصيف ظلام
والله جى

**

الميتين



Latifa photography

وبعدين بقى وبعدين؟؟
كل يوم تهربي من الميتين
وتجبنى... تصحيني
وأنت بتصرخي فيا وتقولي مخبيها فين؟؟
هى مين!؟.هى مين؟
هو أنا قادر على غيرة الأحياء لما حاقدر على غيرة الميتين
مخبي مين وفين؟؟
الغيرة مش حاتسيبك أبدا
نسيتي أننا بقينا في دنيتين
أنا في دنيا الأحياء
وأنت في حياة الميتين
من يوم ما متى وأنت هنا وهناك
ما بتناميش ساعتين
هل أنا جيت لك وقلت لك إنت مدفونه مع مين؟؟
صدقيني
أنا نزلت ستار من النار من يومين

الستار نزل بين روحين

وأنا الآن مقسوم نصين

نص مع الأحياء ونص مع الميتين

والنص التالت ما عرفش هرب فين؟

غيرانة من مين؟؟

**

أنا طول الوقت شايفك فيها

أغرق في عنيك ألاقيني في عينيها

لمسة إيديك هى لمسة إيدها

خطوات رجلك خطوات رجليها

تبقى حاتيجى الخيانة منين؟؟

**

لازم تفهمي إن إالى بيننا خلاص

سيبنى عايش حياتي مع الناس

كفياك غيرة كفياك وسواس

...

رايحة فين؟
لازم تروحي لأهلك الآن؟ الميتين
النهار حايطلع بعد دقيقتين
وحاتحبسى بين الحياتين
حياة الأحياء وحياة الميتين
وبعدين فيه ميت بيجى يتخانق مع حي؟؟
الميت بيجى لابس أبيض بجناحين
أو بيجى في جنينة خضرا والبياض على الجنبين
عموما ما تزعليش
أقسم لك إنت في روح الروح ونن العين
رايحة فين؟
رايحة فين؟

.....

على فكرة
لو كل يوم حاتجبنى تصحينى
تكهربى حياتي وتفزعيني

حاترك حياة الأحياء وأهرب لحياة الميتين
صدقيني الحياة عندك أرحم بسنين
الميت عايش بوش واحد
أما الحى ماشي بعشرين
الميت ييموت موته واحدة
وأنا هنا في اليوم بنموت عشرين
أنا ممكن أجي لك بس بشرط
تبطلي غيره الميتين
بطلى غيره الميتين

**

لا في الأحياء ولا في الميتين



Latifa photography

إلى روح عشقي الأول د. علا سالم وأكيد أكيد ليس الأخير

إنت فين؟؟

سألت عليك قالوا ماتت من عشر سنين

ما صدقتش

برغم أن يوم موتك روعي غرقت في بحر من الأنين

سقطت في بحر حزن جديد وحزن قديم ودفين

وتعانقوا الحزينين

عيون روعي كانوا مقفولين

على دمعتين من الدم. ساقط منهم دمعتين

وجسمي كان يهرب من رجليه الإيتين

إنت فين؟؟

**

السما كان لونها دم

الليل كان ييلم في الغيوم والقمر الميت والنجوم وطول الليل

يلم

صرخت في روعي وقلت علا سالم فين!!؟؟

قالت البقاء لله

قلت كذابة دورت عليها في الأحياء والميتين

قالت شوف إنت خافتها فين؟

قلت أخفيها إزاي وهى نور كل حياتي

هى وجودي وأحلامي وكوابيسي ومماتي

هى فرحى وسعادتي وأنا تي

هى أمي وأبويا وأخويا وأختي ومراتي قبل ما تتسجل في السماء

مراتي

نومي وصحياي وخطواتي

صراخي وسكاتي

علا سالم فين؟؟

.....

البقاء لله في عالم الميتين

كذابة يا روعي كذابه

هم موتوني من ثلاث سنين
من ساعة ماشقوا قلبي نصين
وخيوطه بشوية شرايين
دورت عليها هناك وهنا
يعنى لا في الأحياء ولا الميتين
علا سالم فين؟؟

تعالى
ارحميني وارحمي حالي
الأيام بتعدي على موت
بعيش الموت أيام وليالي

تعالى

تعالى

تعالى

**

لا عدت بشوفك في حلم ولا في منام

ولا في الحياه ولا في الموت

ولا في السكات ولا في الكلام

قلت لك لو سبتيني تبقى بتعدي نفسك

وتحكمي على بالإعدام

ما صدقتنيش

**

إنت فين؟؟

**

الحياه ملهاش طعم من غيرك

ولا حياة الميتين

كنت في الحياة طيرى وكنت طيرك

لا سكنتي غيرى ولا سكنت غيرك

إنت فين؟؟

**

كنت فرحاً

وهم يشقوا قلبي نصين من ثلاث سنين

والغريبة لقوك مالية النصين

النص اللي في الشمال ونص اليمين

كان بيني وبين الموت دقيقتين

وأنا طائر عليك بدون جناحين

من يومها بصرخ في الأحياء والميتين

علا سالم فين؟

علا سالم فين؟

علا سالم فين؟؟

يكنش فيه موت ثاني بعد الموت تكون عايشه فيه.

عملوها الأرواح



LaMilla photography

اخرسي يا روح واسمعيني؟
طول ما أنا بتكلم إنت بتكلميني

اخرسي

كدا لا هافهمك ولا تفهميني

اسمعيني؟

**

أنا قلبك إلى خايف عليكي

عايشه فيا وعایش فيكي

ملايين السنين

لا كذبت على يوم ولا كذبت عليكي

ولا إحنا في يوم كنا كذايين

وأنا هاكلملك بصراحة

**

إنتي عاملة عقلك بعقل جسمك ليه؟؟

وهافضلوا لإمتي متخاصمين

إنت مين وجسمك مين؟
دا يوم ما يعيش ميت سنة
في عمرك إنتي ساعتين
وإنتي والروح إالى عشقتها غلطانين
إنتوا الإثنين مجرمين
يعنى بحكم قانون الإنسانية وقانون الدين خاينين
يعنى مجرمين
في حق أجسامكم
تقولي بنحب بعض ولا بنعشق بعض!!
خاينين يعنى خاينين
عقولكم راحت فين يا روح؟
عقولكم كانت فين؟ فين؟؟

**

اسمعيني يا روح ما فيش روح بتحضن روح
إلا ما الجسمين يحضنوا الجسمين
وما بين الجسمين والروحين

جسور من الإحساس متواصلين
على قد ما يتبعد الأجسام يبتعدوا الروحين
مش عارف العشق اللى إنتي جاية بيه دا
جايباه منين!!؟؟

اسمعيني يا روح في كلمتين
الجسم ليه عشر ببيان مفتوحين على الروح
لو باب أتقفل التاني بيكون مفتوح
كل باب حامل أسرارك وعمره ما يبوح
وأهم باب فيهم يا فاضح يا مفضوح
قامت عشانه حروب وجروح
فهمتي يا روح
شكلك ما فهمتيش؟! قولنا بابين العنين

وبابين الأنف
والبق والودنين
والصدر ليه بابين
وبابين.

كفاية يا قلبي لوم كفاية آهات
وأنت عارف أجسام البشرية
مبنية على الجشع والطمع وكل النزوات
ما وراهم غير الأكل و الأحضان
ويخلفوا بنين وبنات
كل حياتهم حسابات
وأربعة وعشرين ساعة يحشوا في بقهم
ويجروا على الحمامات

**

الجسم توحش يا قلب
على النفس أم الأنفس والقلب والروح والعين
توحش حتى على قلب القلب
مفكر نفسه حديد صلب
توحش وعاش بأنياب كلب
صدقني الكلاب بقى عندها إنسانية
لأنها تركت الوحشية والحيوانية لأجسام البشرية

الى حولوا الكرة الأرضية لمصحة نفسية

فهمني يا قلب؟

صعب التعامل مع الجسم تاني صعب

**

معاكي يا روحى

معاكي يا روح في كل اللي قولتيه

ولكن الجسم في النهاية كلنا عايشين فيه

النفس أم الأنفس والقلب والروح فيه

عايش بينا وعايشين بيه

أمال سموه الجسم ليه؟؟

**

يا قلب قلبي

تعرف تقولي هما ليه عملوا مصحات نفسيه للجنون

لما لقوا أن الجسم على الجسم بيهون

جسم بيخون جسم والي بيتخان بيخون

وجسم بيتأجر على قتل جسم ويقتله من قبل ما يقبض
العربون

والمقتول في سوق القتل ييسموه زبون
الأب يقتل الأم والأم تقتل أطفالها وجوزها بجنون
جسم الإنسان توحش يا قلب
خرج عن القانون؟ قانون الإنسانية ورحمة رب الكون
خرج من كل القوانين السماوية والأرضية
وخلق لنفسه قانون

**

وأنت عارف يا قلب
إن الأرواح
عشقها عشق من عند الله
يعنى حياه من الجمال بتولد حياة
العشق قدر
كل الأرواح مذكراه وفهماه
عاشقها وعشقاه

من أصغر روح لأكبر روح ماشيين على خطاه

عايزيني أرجع تاني لأجسام بنى آدميين

يا ولدااااه عليا يا ولداه!!!؟

**

فيه إيه يا قلبي؟؟

إنت عجزت ونظرك ضعف ولا إيه!!؟

دا العشق خلود

بدايته من أول الوجود لنهاية الوجود

العشق للعشق عبادة

ملهاش حدود

**

ثواني

ثواني يا روعي أرجوكي ثواني

إرجعي لذاكرتك تاني

ماتخدينيش في دوكة على فين وخداني

**

أنت نسيتى قوانين الإنسانية وشرع الدين
نسيتى أن العقد شريعة المتعاقدين
وإنتي والروح الثانية عارفين إن أجسامكم متجوزين؟
وكمان مخلفين؟؟
يعنى إنتوا كدا بحكم القانون
قانون الإنسانية
وقانون الدين خاينين
هاتبرري أخطائكم لمين!؟؟
الحق حق والباطل باطل
والاثنين ظاهرين زي الشمس للعين؟

**

قلت لك مليون مرة ومرة يا قلبي
الحب كائن حي
بيرتوي وينموا بين طرفين
يكبر ويرعرع طول ما هما مخطوبين

ويموت بينهم بعد الزواج بشهرين

وإن طال عمره يموت بعد سنتين

**

لا يا روح

فيه ناس متجوزه من أربعين سنة وخمسين

وسعداء مع بعض ومبسوطين

**

أتحداك يا قلبي أتحداك

إنت بتقول الكلام دا لمين؟؟

اسأل أرواح الجسمين

الأرواح مابتكذبش لأنهم من الصدق مخلوقين

هايقولوك مش حابين أجسامنا ولا طايقين

واللي مكلبشنا في بعض وجود العيلين

**

الجسم بيقول لك

كل شيء عند الأرواح مباح

كذاب

سمعت أن روح اتجوزت روح وخلفوا أرواح
أو روح خلفت من روح ورموا روحهم الي خلفوها في الزبالة
ااااا يانا من كذب الأجسام آه

قدام عينيك

كل روح بتشتكي لروحها من شرور جسمها
وكل أجسام البشرية عارفه شرها
من أصغر جسم لأجسام الكبار
كفاية يا قلب كفايانا أوهام

**

تعبتيني يا روحى

حرام عليكى

سيبي روحك الثانية ترجع لجسمها
جسمها بيجبها

وإنتي ترجعي لجسمك اللي منتظرك على نار

وعدني إنه مش هايرجع تاني للظلام

وهايزرع للحب أزهار

اقتنع إن عشق الإنسانية أقدار

وإن الشر ما يبحرقشى غير الأشرار

إرجعى لجسمك يا روح

عيشته بقت مرار

**

اسمع يا قلبى كفايانا كذب

كفاية أنين

روح لجسمي دلوقتي وقول له

إنت خنت روحك مع مين؟ ومين؟ ومين؟ ومين؟؟!!

يعنى لو بمنطقك يا قلبى

أنا وجسمي خاينين

مع العلم الكلام الخايب اللي قالهولك دا؟!

قالهولى من سنين السنين

.....

وأنا قلت لك أجسام البنى آدميين كذايين

**

وبصراحة يا قلبي

لا عاد طايقنى ولا طيقاه

ويخونني على قد ما يخونني

أعمل مش واخدة بالى ولا شيفاه

روح له إنت وأترجاه

خليه يبعد عنى ويتقى الله

أنا مش عايشه معاه يعنى مش عايشه معاه

.....

وحدى الله يا روح وحدى الله

واستغفري ربك

دا إحنا تحت عينيه ماشيين
موحداه يا قلبي وعرفاه
أنا فاهمة كلامك وفاهمة المعنى اللي وراه
تقدر يا قلبي تعيش في الجسم دا من غيرى يومين؟!
بلاش يومين ساعتين؟!
إنت هاتلف وتدور يا قلبي على مين!!؟؟
إنت اللي عقلك راح فين؟!
آخر كلام يا قلبي

....

أنا مش راجعه تاني لأجسام البنى آدميين
القتلة الكذابين الخائنين

**

مصحات نفسية للأرواح



اتخانقتوا تاني؟؟

تاني؟

تاني

اهدى يا روجي شوية؟

اهدى يا روح

متعفرته ليه؟؟

مالك؟

حالك مش حالك فيه إيه؟؟

هى الأرواح اتجننت ولا إيه؟

روحي بتحلف لا تخرج من جسمي

لا عايزاه ولا عايشه فيه؟

والجسم يقول لها في ستين ألف داهية خدنا منك ايه؟؟

قلت لها يا روجي اهدى شوية على جسمي الله يكون في عونك

عايزه منه إيه؟

تصرخ وتقول مش عايشه فيه يعنى مش عايشه فيه؟

طيب هو بس زعلك في إيه؟

مش إنت اللي كل يومين تتضربي بروح
وتخديه معاك وتجرجري فيه
وما فيش ولا مرة حستيه
ولا سألتني نفسك مره هو في جيبه قد إيه؟
لدرجة إنك خليتي الجرسون كان حيتطاول عليه
كام مرة أخرجتيه؟
وطول الوقت متمردة عليه
وديما يكون هو الصح
ويقولك بلاش طريق الحب اللي داخله فيه
لحد ما جننتيه
وفي النهاية تغضبي عليه
فيه إيه؟؟
ولما أقول كلمة الحق بينكم
تقوليلي إنت ديما تشهد ليه
ولا مرة جبت اللوم عليه؟

**

طول السنين قرفاه
مجرجراه وراك ومدوخاه

كان شاب زي القمر في عز صباه
ولما كبرتيه وعجزتيه عايزه جيتي رمياه
إيه يا روعي فيه إيه؟؟
**

عارف إنك روح كونية
بس ماتتنطاطيش عليه
ويكون في علمك
عشرات الأرواح الكونية بتطارده فيه
نص نظرة منه يقعوا تحت رجليه
فيه إيه يا روعي فيه إيه؟؟
**

قلت لك
دي روح صغنتوطة على قدها
لسه عيونها بتتعرف على الكواكب
ابعدي عنها
دي لا عارفه وشها من رجليها
ولا رجليها من وشها

ولسه مراهرة وماشية بتحب على نفسها

تقوليلي بكرة أخرجها من جسمها

واسفرها معايا الكواكب والأكوان

اهدى شوية

كفياك جنان

جسمي ماهواش طايقك إنت كمان

ينظر لي ويضرب كف بكف ويقول لي أدى أرواح آخر الزمان

ولازم تعرف إن روحك وروحها نفس في سيجارة دخان

**

كفاية عذاب كفاية بوح

كفاية توهان

أنا وجسمي حانعيش بدون روح

لا عايزين كواكب ولا أكوان

اهدى يا روح ماتتعفرتيش على أنا كمان

**

وبعدين

فيه روح تعشق روح

وتستلف منها فلوس

ولما جسمي يقول لك كذا عيب؟؟
دا لا شغل أرواح ولا صغار النفوس

تهنيه

تقل بكرامته قدام الروح الثانية

وتقل بيه

إنت فاكهه نفسك إيه؟؟

وبعدين

حايجب لك منين؟؟

كل أشباح السما والأرض

محاصرينه الإثنين

وأنت من الحب

للموسيقى للسينما

لمعارض فنون التشكيلين

حايجب لك منين؟؟

وبعدين معاك يا روح وبعدين

**

اهدى على جسمي يا روح اهدى عليه
هو سمعك قبل كذا بودان عنيه
بتتوشوشي روحك الثانية
وبتشتما فيه
تشتما وتشاوروا عليه
فيه إيه يا روح فيه إيه؟
سمعك بتقوليلها اهربي من جسمه وأنا اهرب ونخرج من
الأجسام الإيتين
نهرب من كل أجسام البنى آدميين
ونخلق في سماوات الأكوان
تهربوا فين يا روح تهربوا فين؟؟
**

قلت لك مليون مرة ومرة
ابتعدي عن الأرواح الكونية
خاصة
الربانية النورانية
قلتي لي ليه؟؟

قلتلك على قد نورها فيها سموم
اللدغة منها بتوصلك للحلقوم
والجسم يغرق في بحر من الهموم
قلت لك يا غبيه
ما فيش روح كونية حبها بيدوم
تعملي اللي في دماغك
وفي النهاية ترمى على اللوم

**

يا الله

يا كل البشرية

اعملوا مصحات نفسية للأرواح
روحي جننت جسمي وجنيتيني
كفيانا حزن كفيانا جراح
خلتنا نشوف البشرية كلها أشباح
أرجو وكم

اعملوا مصحات نفسيه للأرواح

**

روح الروح



Latifa photography

آخر كلام

اللى إنتي بتعمليه دا مش شغل بنى آدميين؟

ابعتي روحك لروحي عيب؟!

بقالنا أسبوعين متخاصمين ومنفصلين

أسبوعين

وروحي وروحك متفرقين

احب أعرفك إن الروحين موجوعين

إنت بتعملي دا لصالح مين!!؟؟

**

عموما إنتي مش غلطانه

أنا اللى غلطان

ولازم أدفع تمن جنائك

ومش هارد الجنان بجنان

غلطان أنا غلطان

**

أنا اللي ربيت روحي على النقاء والصفاء والصدق والحرية

فهمتها إن كل الأرواح نورانية

ماكنتش أعرف أن فيه أرواح خبيثة

وأرواح شيطانية

روحي موجوعة

وهى صعبانه عليا

ابعتي روحك لروحي

عيب.. عيب!!؟؟

**

طيب

فيه حل واحد مش حلين

سيبي روحك لروحي ثانية واحدة أو ثانيتين

هى مش عايزه من روحك غير حزن واحد

بكتيييييييييييه حزين

نور روحك لروحي فيتامين

ماتعذبش الأرواح.. الأرواح تعبانين

اقسم لك روحي هجت من جسمي ما أعرف راحت فين!!
بس فيه أرواح شافتها بتبكي دم من العين
حرام عليك ماتعذيبش الروحين

**

روحي لا طاقة السما ولا طاقة الأرض
شافوها بتجري في سموات الكواكب والأكوان بالطول والعرض
زي ما تكون وأخدة رصاصة في جسمها
وعيونها الإثنين مش شايفين
ماتعذيبش الروحين؟؟

**

خلينا منفصلين ومتخاصمين
لنهاية العمر؟ أظن كذا متفقين
ونسيب الأرواح متصلين
الجسمين مش متفاهمين مع بعض إيه ذنب الروحين!!؟؟

عيب؟

عيب؟

**

خلينا متخاصمين

برغم إن جسمك وروحك مايهونوش على الإثنين

لأن جسمك من روحك وروحك من جسمك

والإثنين منورين

بس متحاصرين بأبالسة وشياطين

شكلهم شكل البنى آدميين

زي ما جسمى وروحي متحاصرين

ولكن هايروحو من روح روحي فين؟؟

حسابي معاهم بعدين

وبرغم انك غلطانه

باقول لك أنا وروحي أسفين

ابعتي روحك لروحي

محتاجين بعض أكثر من بعض الإثنين

عندك دا مش عارف ها يودينا لفين؟؟

أرجوك

أرجوك

..

.....

.....

.....

.....

يا قلبك الحجر

إنت عايزه تذلي روعي لصالح لمين!!؟؟

واضح إنك ما تعرفيش أنا مين؟

خلاص.. خلاص

ماتبعتيهاش

وباقولها قدام كل الناس

قدام كل البنى آدميين

واقسم برب العالمين

إن إنتي وروحك تافهين

تافهين

تافهين

تافهين

إنتي تايهه في روحك وروحك تايه فيك

وأنتم لتنين تايهين

تافهين

تافهين

تافهين

وأنا هاقوم أدور على روعي

ولا أقول لك مش عايز أعرف هي فين

وهاقول لك سر خفيه عن نفسى وعن العالم من سنين

السنين

أنا أصلا ماشى بروحين

روحي اللي ضاعت وما أعرفش ضاعت فين

وروح روعي نن القلب ونن نن العين

بس أوعدك لو لقيت روعي الثانية

هاعلمها إزاي تبعد عن كل أرواح البنى آدميين

**

الكرة الأرضية راحت فين؟؟!!



كله يجمع هنا
النفس الأم أم كل الأنفس
اجمعي كل ولادك وتعالى هنا
أنا تعبت خلاص
لا عاد فيا روح ولا إحساس
القلب والأنفس دمروا كل الناس
اللي بابنيه في سنين
يدمروه في دقيقتين
يا قلب
ابعد عن النفس شبرين
تعالى هنا رايح فين؟
كفاية مكر وخداع
إسمعي يا نفس

القلب والجسم اتفقوا علينا الإثنين

وتوحدوا مع النفس الخبيثة

وبيدمروا في البشرية من سنين

وأدى الحرب وأدى الميادين

تعالى يا نفس هنا جنبي

وابتعدني عن أنفس الشياطين

.....

بس القلب طيب

وبيحبك يا روح وعمره ما يهون

.....

دا كان زمان يا نفس

كان زمان

قبل ما يسيطر عليه الشيطان

بالنفس الخبيثة اللي ركبها جنان

ياما قولنا

القلب فيه بذرة نور

نورت الجسم والنور بان

ولو انطفت النور ينطفي وينتشر الظلام

الكوابيس تنهى على الأحلام

وكل الحقائق تتحول لأوهام

وتتقفل كل بيبان النور

والبيبان تقفل بيبان

وماتنسيش يا نفس إننا في آخر الزمكان

يعنى في آخر الزمان والمكان

والقلب اللي كان بقود العالم يتوه يا ولداه

بقى مكسور ومذلول قدام الحياه

شوية أنفس كوموه على الأرض

والنفس الخبثة قامت دفناه

كله يجمع هنا انتباه
مافيش حل ثاني
لازم كلن نرجع لنور الله
ونبنى الجسر الإنساني
اللي الأنفس بنت الشيطان هدماه
لو رجعنا الجسد النفساني النوراني
حاترجع الحياة

**

ودولة الإنسانية النورانية تعود
ويتغير الوجود بالوجود
ساعتها مش حا يكون فيه أسوار من الضلمة
ولا سدود
ولا حاقد ولا كاره ولا حسود
لازم نرجع لربنا المعبود

نسجد ونعبد وتتواصل بدون سجود
تعالوا نرجع لله عز وجل ونجدد معاه العقود

**

وإنتوا زي ما إنتوا شايفين
الكرة الأرضية طيارة بدون عينين
طايره ومش عارفة طيارة فين
واللي طايرين بيها اتنين
النفس الخبيثة والشيطان

**

تعالى يا نفس بسرعة
نطهر القلب ونزرع فيه الإيمان
علشان نرجع الإنسان الذئب للإنسان
والدنيا تبقى أمن وأمان
ودا مش حايتم إلا بالقلب والروح
والنفس الطيبة والبعد عن الشيطان

سيرة ذاتية علم وإبداع



سعدني السلاموني

مكان الميلاد: قرية نادر-مركز الشهداء- محافظة المنوفية

تاريخ الميلاد: ٢٨-٨-١٩٦٥

عضو نقابة اتحاد كتاب مصر

المستشار العلمي للمعهد الأكاديمي الدولي

انتقل إلى القاهرة في السابعة والعشرين من عمره، وصدر له عشرون كتابا ما بين كتب علمية ودواوين وروايات شعرية من كبريات دور النشر الخاصة ومؤسسات الدولة الثقافية.

بعد أن قدمه الأديب العالمي نجيب محفوظ عند صدور أول كتاب شعري (رغاوى الألم) في عام ١٩٩٨ حين قال عنه: لا خوف على الشعر العامية في وجود رئيس القبيلة الشعرية عبد الرحمن الأبنودي نهاية بالشاعر الجديد سعدني السلاموني وكان هذا التصريح في مجلة المصور، وذلك في حوار مع الكاتب الصحفي والأديب الكبير يوسف القعيد، هذا التصريح جاء انطلاقة كبيرة من المحلية المصرية إلى العربية إلى العالمية حتى قامت المخرجة السودانية الاسترالية بإنتاج فيلم من جزئين عن حياة السلاموني تحت هذا الاسم (سعدني السلاموني من الرصيف للعالمية)، وتصدر الجزء الأول من الفيلم السوشيال ميديا.

ومن العشرين كتابا بين مختارات شعرية ودواوين وروايات شعرية التي صدرت عن كبريات سلاسل دور النشر الخاصة والعامية، تم ترجمة دواوينه إلى لغات عديدة منها اللغة الفرنسية والألمانية والإنجليزية والإيطالية كما يتم تدريسها بالجامعة الأمريكية بالقاهرة والجامعة الألمانية بألمانيا.

قدم السلاموني مشروع محو الأمية البصرية كما قدم أول موسوعة علمية مكتشفة تحت اسم (موسوعة محو الأمية البصرية) تتكون من ثلاثة أجزاء :

الجزء الأول: محو الأمية البصرية علم الخيال: صدر من الهيئة العامة للكتاب التابعة لوزارة الثقافة- سلسلة كبار الكتاب- كتب المقدمة الدكتور حسين محمود عميد كلية اللغات والترجمة ، وكان هناك اتفاق مع الدكتور أحمد زويل على كتابة المقدمة ولكن كان السرطان الذي أصيب به أقوى منا ومنه، والجزء الأول مكون من الآتي:

١. محو الأمية البصرية علم الخيال.

٢. علم التفسير البصري ما بعد العقل.

٣. آذان العين ولسانها.

الجزء الثاني: آذان العين وفمها ولسانها ما بعد العقل: صدر الجزء الثاني من الهيئة العامة للكتاب التابعة لوزارة الثقافة- سلسلة كبار الكتاب.

١. آذان العين وأنفها ولسانها

٢. الصوفية البصرية من المسطور إلى المنظور

٣. كيفية بناء المنهج البصري

الجزء الثالث: في انتظار صدوره قريباً.

ومن خلال هذا العلم قدم كيانات تعليمية تحت مسمى (تحت التأسيس):

١. مدرسة محو الأمية البصرية بالتعليم البصري

٢. معهد محو الأمية البصرية بالتعليم البصري

٣. كلية محو الأمية البصرية بالتعليم البصري

٤. جامعة محو الأمية البصرية بالتعليم البصري

صدر له ورقياً:

- ١- رغاوى الألم ---- الهيئة العامة لقصور الثقافة-١٩٩٩.
- ٢- تصبح على خير ---- دار الحضارة العربية-٢٠٠١.
- ٣- عضم خفيف ---- هيئة قصور الثقافة-٢٠٠٢.
- ٤- أول شارع شمال ---- ميرت للنشر - ٢٠٠٠.
- ٥- أول شارع شمال ---- مختارات شعرية مكتبة الأسرة-٢٠٠٦.
- ٦- إنترنت ---- اتحاد الكتاب-٢٠٠١.
- ٧- ليل ونهار ---- قطاع الفنون التشكيلية-٢٠٠٤.
- ٨- دواوين في الدرج ---- دار إيزيس-٢٠١٠.
- ٩- بنج زيادة ---- المجلس الأعلى للثقافة-٢٠١١.
- ١٠- أرواح بتطير ---- مركز الحضارة العربية (رواية شعرية)- ٢٠٢١.
- ١١- جنون رسمي ---- الهيئة العامة للكتاب (رواية شعرية)-٢٠١١.
- ١٢- ودیعة في البنك ---- الهيئة العامة للكتاب-٢٠٠٣.
- ١٣- دافنشي ---- المجلس الأعلى للثقافة (رواية شعرية)-٢٠١٥.
- ١٤- حبر فاسد ---- مختارات شعرية هيئة الكتاب-٢٠٠٨.

١٥- الجزء الأول من موسوعة محو الأمية البصرية.

- محو الأمية البصرية علم الخيال - ٢٠١٦.
- علم التفسير البصري ما بعد العقل.
- أذان العين ولسانها.

١٦- الجزء الثاني من موسوعة محو الأمية البصرية.

- أذان العين وأنفها ولسانها
- الصوفية البصرية من المسطور إلى المنظور
- كيفية بناء المنهج البصري

١٧- محكمة العدل البصرية.

١٨- أرواح بتطير.

١٩- العين الثالثة.

٢٠- فرعون.

٢١- ادخل بروحك اليمين ---- الهيئة العامة الكتاب (مختارات شعرية) - ٢٠١٩.

٢٢- ملك الكاريكاتير ---- دار الزيات للنشر والتوزيع - ٢٠٢٢.

تحت الطبع

- ١- علم التفسير البصري ما بعد العقل
- ٢- الكتاب البصري ما بعد العقل
- ٣- مجمع اللغة البصرية علم الخيال
- ٤- المعلم البصري ما بعد العقل
- ٥- مفتاح الكواكب والأكوان ما بعد العقل
- ٦- علم التشريح البصري علم العلوم

سعدني السلاموني

ت: ٠١٠٠٩٩٨٣٦٨٨

وتساب: ٠١١١٣٣٢١٩٤٩

Elsadnyelsalamony@gmail.com

صدر من

سلسلة إبداعات محو الأمية البصرية

والتي تأسست في ٢٠٢٢/١٠/١٦



التأجير

سلسلة إبداعات محو الأمية البصرية

رئيس التحرير والمستشار العام

أ.د. مصطفى النشار

رئيس الجمعية الفلسفية المصرية

مدير التحرير والمسؤول الفني

الطنان / خضر مصطفى

سكرتارية التحرير

المهندسة . غادة شمس

الشاعرة إيمان النادي

سكرتير عام السلسلة

الادبية أنجي مطاوع

المستشارون

أ.د. حسين محمود

عميد كلية اللغات والترجمة بجامعة بدر

أ.د. جمال التلاوي

رئيس مجلس إدارة المعهد العالي للغات بالتمنيا

أ.د. السيد عبده سليم

عميد كلية التربية النوعية بكفر الشيخ السابق

أ.د. اشرف قنص عبد العزيز

عميد كلية التربية ج. قناة السويس السابق

الكاتب الصحفي والمؤرخ محمد الشافعي

رئيس تحرير دار الهلال الأسبق

بطرس دانيال

رئيس المركز الكاثوليكي للسينما

رئيس مجلس الإدارة

الشاعر والكاتب / سعدني السلاموني

للتواصل ت. 01009983688 01113321949

Elsadnyelsalamony@gmail.com

أكتوبر 2022

نسعد بوجود
قامات رفيعة
في الفن والإبداع
وأساتذه
أكاديميين
وفنانين كبار ونقاد
في الفن والأدب
ترعى هذا
الكيان الحضاري
الهام ونسعى في
هذا الإطار
بتقديم كل
ما هو مفيد
وجديد وهام في
حياة المبدعين
والمبدعات

سلسلة كتب
ألكترونية وورقية
تعنى بإبداعات
المبدعين
المصريين
والعرب في
كافة مجالات
الفنون
والثقافة
والآداب لما تملكه
من قيمة رفيعة
في نهضة الأمم
خالص التمنيات
لبلدنا ووطننا
العربي الكبير
همزيد من الرفعة




تصميم الغلاف


للفنان الكبير/ خضر مصطفى



تصميم الغلاف

للفنان الكبير/ خضر مصطفى





تصميم الغلاف

للفنان / وليد مندور



أسطورة الكاريكاتير العالمي

أسطورة الكاريكاتير العربي



محمد الزواوي

أسطورة الكاريكاتير العالمي
عاش شيخ شيوخ الكاريكاتير
العربي الليبي محمد الزواوي
خمس وستون عاماً في رحاب
كوكب الكاريكاتير العظيم من
المطاردات، تطارد رسوماته مرة
ومرات تطارده رسوماته وما بين
المطاردات تطارده فيضانات
السلطات العربية العاتمة
حتى لا يخرج للور الإسلامي
العالمي، إلى سموات دولة
الإنسانية العالمية، محملاً بهموم
وأوجاع الشعوب
ويقتضح قهر السلطات التي نسوا
وتناسوا أن الزواوي دولة من دول
نور الإنسانية العالمية، ونور الله لا
يحجبه حاجب، نسوا أن موهنته
تجاوزت كل مواهب البشرية
فخرجت صلافة من يروا العقل
البشري إلى ما بعد العقل، وتعلقت
على كل مواهب شيوخ الكاريكاتير
مصرياً وعربياً وعالمياً، وحدث أن
نور الله لا يحجبه حاجب فكان هذا
الكتاب



الزواوي



محور الأمية البصرية
سعدني السلاموني



تصميم الغلاف

للمخرج والمصور/ أحمد ربيع



<u>الصفحة</u>	<u>المحتويات</u>
٤	ثواني
٥	الإهداء
٦	إيه أوجاعي
٨	روح للبيع
١٠	ناس
١٣	مهدى مصطفى
٢١	هو فيه ايه؟؟؟
٢٥	رصيف الورد
٣٣	الميتين
٣٨	لا في الأحياء ولا في الميتين
٤٤	عملوها الأرواح
٥٩	مصحات نفسية للأرواح
٦٧	روح الروح
٧٤	الكرة الأرضية راحت فين؟؟؟!!
٨٠	سيرة ذاتية
٨٦	صدر من سلسلة إبداعات محو الأمية البصرية
٩٢	الفهرس
٩٣	فريق العمل



كاريكاتير الغلاف إهداء

الفنان / حلمي هيكا الشيخ

تصميم الغلاف وصور فوتوغرافيه إهداء

المخرج / أحمد ربيع

تنسيق وتحرير فنى

الأديبة / إنجي مطاوع

عضو مؤسس في محو الأمية البصرية

سكرتير عام سلسلة إبداعات محو الأمية البصرية

مع تحيات

رئيس مجلس إدارة مؤسسة محو الأمية البصرية

الشاعر والكاتب

سعدنى السلامونى

